

Broj: 105 - 15219 - 1/21 DžS *bsc.*  
Zenica, 29.11. 2021.godine

Na osnovu člana 72., stav 3., tačka c) Zakona o javnim nabavkama („Službeni glasnik BiH“, broj 39/14), a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

**O D L U K U**  
**o dodjeli okvirnog sporazuma drugorangiranom ponuđaču**

I

Okvirni sporazum u postupku nabavke i isporuke čeličnih i valjanih profila i limova dodjeljuje se drugorangiranom ponuđaču **Treasure d.o.o. Zenica**, a prema ponudi broj: 501-12604/21 od 01.10.2021. godine, za ponudenu cijenu u iznosu od 59.807,00 KM bez PDV-a, a nakon što je prvorangirani ponuđač FERHEM d.o.o. Lukavac, dana 24.11.2021. godine dopisom koji je zaprimljen na protokolu ugovornog organa pod brojem: 403-15219/21, obavijestio ugovorni organ da nije u mogućnosti realizovati dodijeljeni okvirni sporazum.

II

Ovom Odlukom stavlja se van snage Odluka o izboru najpovoljnijeg ponuđača broj: 105-13282/21 DžS od 19.10.2021. godine.

III

Prijedlog okvirnog sporazuma dostavit će se na potpis izabranom ponuđaču Treasure d.o.o. Zenica nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Član IV

Za izvršenje ove Odluke zadužuje se Komisija za nabavke, Služba za opšte i kadrovske poslove te Komercijalna i Finansijska služba u preduzeću.

Član V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

Član VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 105-11210/21 HK od 08.09.2021.godine. Javna nabavka je provedena putem otvorenog postupka sa zaključivanjem okvirnog sporazuma na period od 6 mjeseci. Procijenjena vrijednost javne nabavke bez uračunatog PDV-a je 60.000,00 KM.

Dana 09.09.2021.godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-419-3-85/21 objavljena je i tenderska dokumentacija.

Poziv za preuzimanje tenderske dokumentacije upućen je sljedećim ponuđačima:

1. Treasure d.o.o. Zenica
2. Ferhem d.o.o. Lukavac
3. INTER-COM d.o.o. Zenica

Rok za dostavljanje ponuda je bio 01.10.2021. godine do 11:00 sati.

U prethodno navedenom roku, na protokolu Javnog preduzeća „Vodovod i kanalizacija“ d.o.o. Zenica zaprimljene su dvije ponude u zatvorenoj koverti, i to:

1. FERHEM d.o.o. Lukavac
2. TREASURE d.o.o. Zenica

Komisija za nabavku imenovana je Odlukom broj: 105-4232/21 BS od 30.03.2021.godine, kao i Odlukom o izmjeni Odluke o imenovanju komisije za javne nabavke, broj: 105-4232-1/21 ŠS od 31.08.2021. godine. U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremeno zaprimljenih ponuda,
- ukupno 5 (pet) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 19.10.2021. godine VD direktora preduzeća dostavila Zapisnik o ocjeni ponuda broj: 501-13280/21 DžS od 19.10.2021. godine sa preporukom o izboru najpovoljnijeg ponuđača za nabavku i sukcesivnu isporuku čeličnih i valjanih profila i limova.

Uvidom u priloženu dokumentaciju otvorenog postupka broj: 406-11210-1/21 HK od 08.09.2021. godine – Nabavka i sukcesivna isporuka čeličnih i valjanih profila i limova, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena ponude bilo kojeg ponuđača neprirodno niska.

Ponuđači su dostavili formalno – pravno ispravne i tehnički prihvatljive ponude, te im je ugovorni organ shodno odredbi čl.4. Pravilnika o načinu korištenja e-aukcije zakazao e-aukciju za dan 18.10.2021. godine, u terminu od 09:00 sati.

Ponude ponuđača, prije početka e-aukcije su:

1. FERHEM d.o.o. Lukavac, sa ukupnom cijenom ponude u iznosu od 55.975,30 KM bez PDV-a
2. TREASURE d.o.o. Zenica, sa ukupnom cijenom ponude u iznosu od 59.807,00 KM bez PDV-a

E - aukcija je održana u zakazanom terminu.

U e-aukciji ponuđači nisu mijenjali iznose svojih ponuda.

Konačne ponude, nakon završetka postupka e-aukcije su:

1. FERHEM d.o.o. Lukavac, sa ukupnom cijenom ponude u iznosu od 55.975,30 KM bez PDV-a
2. TREASURE d.o.o. Zenica, sa ukupnom cijenom ponude u iznosu od 59.807,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. FERHEM d.o.o. Lukavac, sa ukupnom cijenom ponude u iznosu od 55.975,30 KM bez PDV-a
  2. TREASURE d.o.o. Zenica, sa ukupnom cijenom ponude u iznosu od 59.807,00 KM bez PDV-a,
- te dala preporuku da se okvirni sporazum zaključi sa FERHEM d.o.o. Lukavac kao najpovoljnijim ponuđačem.

Ugovorni organ je dana, 19.10.2021. godine donio Odluku o izboru najpovoljnijeg ponuđača broj: 105-13282/21 DžS, koja je dostavljena svim ponuđačima-učesnicima u postupku.

Dana, 24.11.2021. godine na protokolu ugovornog organa pod brojem: 403-15219/21 je zaprimljen dopis ponuđača FERHEM d.o.o. Lukavac u kojem se navodi da ovaj ponuđač usljed ponovnog rasta cijena materijala na tržištu nije u mogućnosti realizovati dodijeljeni okvirni sporazum.

Slijedom navedenog, ugovorni organ je postupajući u skladu sa članom 72., stav 3., tačka (c) Zakona o javnim nabavkama ugovor dodijelio drugorangiranom ponuđaču, kao što je i navedeno u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.



Direktor:

*Pašalić Emir*  
Pašalić Emir, dipl.ing.građ.

#### **DOSTAVLJENO:**

- 1 x Ponuđačima
- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a